

書名 廣文選八十二卷 嘉靖
十二年序刊本
撰者 明 劉節 輯
卷 卷七十三
內容分類 集-總集-詩文
索書號 大木-集部-總集類-3
編號 D7920300

卷七十三



廣文選卷第一

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

惟自然之初載兮道虛無而玄清太素紛以溷淆兮始
有物而混成何元一之茫昧兮廓開闢而著形爾乃清
濁剖判玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化度類授之以形稟之以氣色表文采聲有音
律復言方流形品物鼓以雷霆潤以慶雲八風翱翔

天地賦

成公子安

明通議大夫都察院右副都御史大庾劉節廣



廣文選卷第七十三

明通議大夫都察院右副都御史大庾劉節廣

誄

孔子誄

魯哀公

天不遺耆老莫相予位焉嗚呼哀哉尼父

又

昊天不吊不憖遺一老俾屏余一人以在位罔罔余在
疚嗚呼哀哉尼父

元后誄

楊子雲

新室文母太后崩天下哀痛號哭涕泗思慕功德咸上
輅誄之銘曰

惟我有新室文母聖明皇太后姓出黃帝西陵昌意實



生高陽純德虞帝孝聞四方登陟帝位禪受伊唐爰初
胙土陳田至王營相厥宇度河濟旁沙麓之靈太陰之
精天生聖姿豫有祥禎作合于漢配元生成孝順皇姑
承家尚莊內則純被後烈丕光肇初酌先天命是將兆
徵顯見新都黃龍漢成既終胤嗣匪生衰帝承祚惟離
典經尚是言異大命俄顛厥年天隕大終不盈文母覽
之千載不傾博選大智新都宰衡明聖作佐與圖國難
以度厄運徵立中山庶其可濟博采淑女備其婦娣覲
禮高禩祈廟嗣繼靡格匪天靡動匪地穆穆明明昭事
上帝弘漢祖考夙夜匪懈興滅繼絕博立侯王親睦庶
族昭穆序嗣帝致友屬靡有遺荒咸被祚慶冀以金火
赤仍有央勉進大聖上下兼該羣祥衆瑞正我黃來火
德將滅惟后于斯天之所壞人不敢支哀平天折百姓
分離祖宗之愆終其不全天命有託謫在于前屬遭不
造榮極而遷皇天發命黃虞之孫歷世運移屬在聖新
代于漢劉受祚于天漢祖承命赤傳于卜攝帝受禪立
為真皇允受厥中以安黎衆漢廟黜廢移定安公皇皇
靈祖惟若孔臧降茲珪璧命服有常為新帝母鴻德不
忘欽德伊何奉命是行菲薄服食神祇是崇尊不虛統
惟祇惟庸隆循人敬先民是從承天祇家允恭虔恪豐
阜庶卉旅力不射恤民于留不皇詭作別計十邑國之
是度還奉于此以處貧薄罷苑置縣築里作宅以處貧
窮哀此婺獨起常盈倉五十萬斛為諸生儲以勸好學
志在黎元是勞是勤春巡灞澹秋臻黃山夏撫鄠杜冬

卹涇樊大射饗飲飛羽之門綏宥者幼不拘婦人刑女
歸家以宥貞信玄冥季冬搜狩上蘭寅賓出日東秩暘
谷鳴鳩拂羽戴勝降桑蠶于繭館躬筐執曲帥導群妾
咸循蠶簇分繭理絲女工是勅遐邇蒙祉中外禔福自
京逮海靡不仰德成類存生秉天地經無物不理無人
不寧尊號文母與新有成世奉長壽靡墮有傾著德太
常注諸旒旌嗚呼哀哉以昭鴻名享國六十姐落而崩
四海傷懷擗踊拊心若喪考妣遏密八音嗚呼哀哉萬
方不勝德被海表彌流魂精去此昭昭就彼冥冥忽兮
不見超兮西征既作下宮不復故庭爰緘伊銘嗚呼哀
哉

明帝誄

傅武仲

惟此末平其德不回恢廓鴻績遐方是懷明明肅肅四
國順威赫赫盛漢功德巍巍躬履聖德以臨萬國仁風
弘惠雲布雨集武伏蚩尤文騰孔墨下制九州上係皇
極豐美中世垂靈億載克禋佩舜踐履五代三雍既洽
帝道繼備七經宣暢孔業淑著明德慎罰尊上師傳薄
刑厚賞惠慈仁恕明明並日月無有偏照譬如北辰與天
同曜發號施令萬國震懼庠序設陳禮樂宣布璇璣所
建靡不奄有貢篚納賦如歸父母正朔未昌冠帶僭耳
四方共貫八極同軌

北海王誄

傅武仲

誄曰永平七年北海靜王薨於是境內市不交易塗無
征旅農不修畝室無女工感傷慘怛若喪厥親俯哭后



士仰朔皇旻於惟羣英列俊靜思勒銘惟王勛德是昭
是嗣存隆其實光曜其聲終始之際於斯為榮乃作誄
曰
覽視昔初若論往代有國有家篇籍攸載貴賤不驕滿
罔不溢莫能傾道聲色以卒惟王建國作此藩弼撫綏
方域承翼宗室對揚休嘉光昭其則溫恭朝夕敦循伊
德

和帝誄

蘇孝山

天王徂登率土奄傷如何昊窮奪我聖皇恩德累代乃
作銘章其辭曰

恭惟大行配天建德陶元二化風流萬國立我蒸民宜
此儀則厥初生民三五作剛載藉之盛著於虞唐恭惟
大行爰同其光自昔何為欽明允塞恭惟大行天覆地
載無為而治冠斯往代往代崎嶇諸夏命爰茲發號
民樂其政奄有萬國民臣咸秩大孝備矣闕官有洫由
昔姜嫄祖妣之室本枝百世神契惟一彌留不豫道揚
末命勞謙有終實惟其性衣不制新犀王遠屏履和而
行威稜上古洪澤滂流茂化沾溥不憇少留民斯何怙
歔歔成雲泣涕成雨昊天不平喪我慈父

曹蒼舒誄

魏文帝

惟建安十有五年五月甲戌童子曹蒼舒卒嗚呼哀哉
乃作誄曰

於惟淑弟懿矣純良誕豐令質荷天之光既哲且仁爰
柔克剛彼德之容茲義肇行猗歟公子終然允臧宜逢

介社以末無疆如何昊天雕斯俊英嗚呼哀哉惟人之
生忽若朝露役役百年豐稟行暮矧爾夙夭十三而卒
何辜于天景命不遂兼悲增傷倖係失氣永思長懷哀
爾罔極貽爾良妃祔爾嘉服越以乙酉宅彼城隅增丘
峩峩寢廟渠渠姻媾雲會之路盈衢悠悠羣司岌岌其
車傾都蕩邑爰迄爾居魂而有靈庶可以娛嗚呼哀哉

魏文帝誄

曹子建

嗚呼哀哉于時天震地駭崩山隕霜陽精薄景五緯錯
行百姓吁嗟萬國悲悼若喪考妣恩過慕唐擗踊郊野
仰想窮蒼僉曰何為早世隕喪嗚呼哀哉悲夫大行忽
焉光滅末弃萬民雲往雨絕承問恍惚憺憺哽咽神鋒
袖刃欲自強斃追慕三良甘心同穴感彼南風惟以鬱
滯終於借沒指景自逝考諸先記尋之擔言生若浮
惟德可論朝聞夕死孔志所存皇雖一歿天祿永延何
以述德表之素旃何以詠切宣之管絃乃作誄曰

皓皓太素兩儀始分中和產物肇有人倫爰暨三星寔
秉道真降逮五帝繼以懿純三代製作踵武之勳季嗣
不綱網漏于秦崩樂滅學儒坑禮焚二世而熾漢氏乃
因弗求古訓嬴政是遵王綱帝曲闐爾無聞未光幽昧
道究運遷乾坤回歷簡聖授賢乃眷大行屬以黎元龍
飛啓祚合葬上玄五行定紀改號革年明明赫赫受命
于天仁風偃物德以禮宣祥惟聖質疑在幼妍庶幾六
典學不過度潛心無妄元志清冥才秀藻朗如玉之瑩
聽察無響瞻覩未形其剛如金其貞如瓊如水之潔如



砥之平爵必無私戮違無輕心鏡萬機攬照下情思良
股肱嘉昔伊呂搜揚側陋舉湯代禹拔才岩穴取士蓬
戶唯聽是索弗拘禰祖宅土之表道義是圖弗營厥險
六合是虞齊契共遵下以純民恢折規矩克紹前人科
條品制褻貶以因乘殷之輅行夏之辰金根黃屋翠葆
龍鱗紉冕崇麗衡統維新尊肅禮容矚之若神方牧妙
舉欽於恤民虎將荷節鎮彼四鄰朱旗所勦九壤被震
疇克不若孰敢不臣縣旌海表萬里無塵虜備凶徹鳥
燧江岷摧若涸魚乾若脯鱗肅慎約貢越裳效珍條支
絕域獻欵內賓燕僖先王功侔太古上靈降瑞黃初叔
枯河龍洛龜陵波遊下平均應繩神鸞翔舞數莢階除
英甘露瀝塗被宇靈芝冒沼朱華蔭渚回回凱風祁祁
甘雨稼穡豐登我稷我黍家佩惠君戶蒙慈父圖致太
和洽德全義將登泰山先皇作儷鐫石紀勳兼錄衆瑞
方隆封禪歸功天地賓禮百靈勳命視規望祭四嶽燎
封奉柴肅子南郊宗祀上帝三牲既供夏禘秋嘗元侯
佐祭獻璧奉璋鸞輿幽謁龍旂太常爰迄太廟鐘鼓鏗
鏗頌德誅功八佾鏘鏘皇祖既饗烈考來享神具醉止
降茲福祥天地震蕩大行康之三辰暗昧大行光之皇
紘惟絕大行綱之神器莫統大行當之禮樂廢弛大行
張之仁義陸沈大行揚之潛龍隱鳳大行翔之䟽狄遐
康大行庄之在位七載元功仍舉將未太和絕迹三五
宜作物師長為神主壽終金石等算東父如何奄息摧

身後土俾我筑筑靡瞻靡顧嗟嗟皇穹胡寧忍務嗚呼
哀哉嗣鑑吉凶體遠存亡深垂典制由之嗣王聖上處
奉是順是將乃劔玄宇基爲首陽擬迹穀林追堯慕唐
合山同陵不樹不疆塗車芻靈珠玉靡藏百神警待來
賓幽堂耕禽田獸望魂之翔於是俟大隧之致力兮練
元辰之淑禎潛華體於梓宮馮正殿以居靈顧望嗣之
號咷兮存臨者之悲聲悼晏駕之既往兮感容車之速
征浮飛魂於輕霄兮就黃墟以滅形背三光之昭晰兮
歸玄宅之冥冥嗟一往之不返兮痛閔闕之長扁咨遠
臣之耿耿兮成凶諱以恒驚心孤絕而靡告兮紛流涕
而交頸思恩榮以橫奔兮闕闕塞之堯崢顧衰經以輕
舉兮念關防之我嬰欲高飛而遙憇兮懼天網之遠經
遙投骨於山是兮報恩者於下庭惻拊心而自悼兮懼
施重而命輕嗟微軀之是效兮甘九死而忘生幾司命
之役籍兮先黃髮而隕零夫蓋高而察卑兮冀神嗣於
我聽獨鬱悒而莫告兮追顧景而憐形奏斯文以寫思
兮結翰墨以敷誠嗚呼哀哉

任誠王誄

曹子建

昔二虢佐文旦奭翼武於休我王魏之元輔將崇懿迹
等號齊魯如何奄忽命不是與仁者悼沒兼彼殊類矧
我同生能不憐阻目想官墀心在平素髮髯魂神馳情
陵墓凡夫愛命達者徇名王雖薨徂功著丹青人誰不
沒德貴有遺乃作誄曰

幼有令質光耀珪璋孝殊閔氏義達參商溫溫其恭爰



柔克剛心存建業王室是匡矯矯元戎雷動雨徂橫行
燕氏威懼北胡奔虜無竄還戰高柳王率壯士常爲君
首宜究長年末保皇家如何奄忽景命不遐同盟飲淚
百寮咨嗟

吳丞相陸公誄

陸士龍

惟赤烏八年二月粵乙卯吳故使持節郢州牧左都護
丞相江陵邵侯陸公薨嗚呼哀哉皇期迭紹成命昊天
聖王作矣世有哲臣觀監在吳乃降斯神思皇我后應
運對揚穎秀崇華景逸扶桑龍輝襲極鳳鳴玉堂舉旗
清阻奮鉞夷荒悠結沈維峻極公綱將撫遠績括地九
圍皇淳爽泰昊昊疾威生民如何哲人其頽登靈在天
遺音播徽取揚 勳表之素旂乃作誄曰

濟哲我祖時文俊德玄粹納真清休載本承慶輝

惠罔極申錫多祜本枝千億芳條遠蔭靈根茂植根修

伊何苗黃裔舜長發有祥貽我祚晉神明之緒實蕃瑰

雋和音嗣世不替碩彥明覽在下降命上玄我公初載

天嘏之純重光納照旋機授銓仰儀喬岳俯濯洪川清

耀秀穎雲翹映晨肇彼岐嶷允迪天真先心則智率意

斯仁秉彝清昧體靈協神神休載鑠九德兼和挹揮茂

朴豐淳鎮華景峻凌高玄源湧波造辰竦隆彌海廓遐

光備旣淳逸軌爰超閔罔包荒景靈渥耀山林岳秀天

光乃照窮化機神探蹟衆妙駭塵氛埃澄響清肖恢淵

博量騰嶮峻邵振綱宇表登軌絕蹈厥初藏巽棲蟠海
岳披藻崑崙濯秀暘谷沉輝熙茂清塵熠鑠合章在淵



發揮龍躍時服陽九承乾之衰有皇于井玉軒徘徊爰
茲赫弈需期雲飛天步皇輿載見太微華堂誕基委蛇
自階鼎輝既濟嘉命乃集和羹未飪罕物下品康年屢
登惠風時協在斷無頗于教斯輯金虎覲精戎車孔肆
神器播越天人釋位有命在茲帝思元帥委弁總于振
翼虎噬桓桓威靈既授六軍有序乃誓我衆乃整我旅
神于山立雄旗電舉懸旌汜陽即戎江濬我后日敬上
帝臨余靖端共夙夜匪寧匪處乃幹中軍入作內輔公
侯陟降在帝左右關羽滔天作雲西上帝曰將軍整爾
罷虎赫赫明明皇輿出祖龍舟照淵旒旒映野鋪敦江
濱仍執醜虜荆南既集方險未夷天子命我撫之西垂
公侯戾止威神緝熙虔劉作虐思輯子來妖於北靡塞

爾雄旗猶彼君蠻祗祗遺黎柔遠能和薄言綏之方

肅清烈文雋武舍爵明堂用勳天府天子曰咨我圖乃

功錫爾青土建侯于東開國名墟光宅海邦分圭作寶
軒輅以庸既受帝祐公用加大駟鐵孔阜元戎杳謁淑
旂飛藻綬章承蓋振我輝靈四方于邁劉王負險寇我
西隣公侯赫怒干戈啓陳金鉞鏡日雲旗絳天凌罔襄
岳沈維括淵元王隕難鯨鯢墜鱗戎漠時殪方域清塵
曹休東踰我疆斯越帝簡厥佐將命其傑乃俾我公啓
行警伐江漢之許天子授鉞指帝整旅隱爾霆發桓桓
神誅震驚魏方我公矯矯虎視元戎殲彼醜旅効此武
功武功既彰天威薄曜靈武震華邊陸清暴振旅凱入
王假有廟假廟伊何本庸寵祚土田陪敦四牡載路出



餞于郊此惟予顧禮嘉嵩高樂和湛露改容肅至傾蓋
 寵步擊帶翩紛珍裘阿那區宇惟寧繁遏帝社於穆疇
 咨敷奏多士將庸元輔天子僉曰公侯宜有爰止繡裳
 縟藻袞帶重紫遂虛上司命公登宰帝曰丞相朕嘉君
 德以茲軒冕住踐乃職宣爾睿心惟皇協極邦國若否
 四方爾式公拜稽首欽翼嗣聖乃御璣衡仰徽七政祗
 恪本顯無易惟命巍巍大邑惟清四門公侯作弼煥炳
 皇文重輝熾景協風煙煜百神秩祀兆獻思淳克諧庶
 尹遂成帝勳時雍既濟王途克廣儀形我度軌物垂象
 後遐施歸崇蔭惠仰茂德棲音廣問沈響洪範遠迪玄
 猷洞深靈澤崇敷天險垂陰翰飛樂嶮淵蟠泳沉澤思
 豐丘泉潤博雲林遭世大過齊倫靡蕭豐豐公侯思維
 雅俗發憤戎衣永言禮樂被分敦化荷戈思學體仁長
 物御風熙國獻鑿擢微玄輝鏡璞戒危膏梁收後白屋
 五品時訓民神攸鑠我有煥文如驪如辰何以崇之匪
 聞伊人我有烈武如震如霆何以將之保大豐年思弘
 景業熙世登民克壯碩老秉鉞河津社作勿引早世幽
 神仰慕遺輝瘖辟憂殷嗚呼哀哉永惟我公克明德心
 幼藹芳和被之惠林公侯歿矣孰嗣徽音名存體逝德
 茂形潛民之秉思好是謳吟嗚呼哀哉惟帝念功寵命
 光大考諡典謨崇榮協泰安宮載考我公于邁輔軒啓
 塗先驅驚旆哀風結輿遺恩憑蓋舍此休明即彼重藹
 攀慕靡及永戀光愛嗚呼哀哉

故散騎常侍陸府君誄

陸士龍



廣文選卷第十三

惟太康五年夏四月丙申晉故散騎常侍吳郡陸君卒
嗚呼哀哉天降純嘏誕育俊乂才九奧德鍾三懿應運
繼期顯微闡昧特恢大猷雍化熙世昊天不吊奄忽零
墜嗚呼哀哉朝隕棠榦邦喪國輝帝欽遺烈士詠清機
思經皇心痛浹民懷揮淚充邑惜慟盈畿敢述洪迹于
茲素旂其辭曰

於穆皇源時惟誕弘權輿有媯爰帝暨王徽音接響不
祚克昌乾鑿南眷誕降我祖顯考尚書納言帝宇正命
惟允銓衡收序篤生常侍固天所隆祚以靈粹陶以惠
風道協體稟德與性鍾叡心遠暢淵思遐通瞻言潛覽
克哲克聰耽精遐奧肆志篇章仰咨遺訓思齊曩蹤檢
光承晦微言是網錯綜羣藝精徹豪芒願允閑安既明
上經敦叙汜愛經德紀義辨開邦族是紛是緝慎終以

禮陳錫載施雍雍閨闈克諧由仁率禮崇化色養寧親
九族和睦德被宗姻猗猗髦俊祁祁縉紳鑽仰闢範挹
道希塵愷悌弘裕惠化是振潛機密暢靡幽不甄濯以
清波權以明鈴旌善板築刊穢繫辰邦無媮幸靈不牟
眞沐浴玄源風移俗純儀德鄒甸北化泗濱耀略切輝
旣升末融爰莅揚邑作尹名邦密邇帝畿大東小東宣
敷五教淑化以崇徵無隊命興無廢功帝欽良政民懷
穆風粵稽舊章率由典刑考績三載絀幽陟闕超踐皇
闈紆組垂纓奕世納言帝衡以平本崇曩烈堂構克榮
征鼙屢振干戈未戢乃秉雄戟徵戎東邑四牡徂征威
德以立爰守會稽青紱旣襲帝曰欽哉疇咨羣后改授



顯服屯騎是撫雍容皇甸綜文經武時值大過士爽其
德虔惟常侍高明柔直履冰察霜淪心遠測春存三季
形志于色頰頰厄運載離咎慙靖亨思順曹氏匪革投
弁釋紱皓恩東嶽遁世無悶清源是濯馥風彌馨明徽
載縵皇途旣闢天罔誕張運在九五違嶮即康猗歟高
懿避風遠臧帝降大命丘園是揚裸將天邑舒藻舊京
僉曰休哉昭德塞違乃升常伯補闕拾遺振纓紫極據
光大微奕奕玄冕熠熠貂璫仰耀皇維俯映明堂輿振
鳴鸞體佩琮璜居德彌冲雖休匪康旣跼君宿未跼
辰將陟太階弘載育民皇靈靡顧大命奄臻厲凶彌留
儵忽頽湮嗚呼哀哉黃河難澄梁木易荒聖賢絕景希
世齊光豈曰徒生實維天綱於鑠常侍本德昭仁俯鏗

瑤響仰綴玉振其在克壯自蹇乘屯鳳翳靈條龍窟

泉收逋匿耀洪略陶緼雖跼嘉運託景風雲瑰光旣耀
靈寶未闡弗慮皇圖銜恨徂遷嗚呼哀哉江河慕海丘
陵樂山於惟君德齊聖廣淵羣彥景附漸化濯真蓋以
崇嚴函以裕淵西徂華源負澤慕塵幽萌潛暢滯思賴
振六言六行匪君不肅五有三無匪君不極衡准失平
匪君不直方榮遐邇匪君不式君其永沒民其焉則結
思遺愛惟哀允惻嗚呼哀哉仲尼喪魯孺慕失聲國僑
殞鄭邦無竿笙實惟常侍徽懿克明恩懷士心信結民
情聞者巷泣赴者風征八音輟響獻酢弗營羽檄駭川
輕駕盈庭揮袂雲謁殞淚雨零嗚呼哀哉伊惟平生襲
寵荷輝愷樂承明桑梓猶哀聿懷震立言告言歸明德




遠燭慮凶以音雖則榮泰存亡是卹爰築親邑經始匪
日眷懷不虞寧視斯室王事靡盬皇畿是旋鳴和吉往
曾未浹辰震旆凶歸輝景長泯痛感皇祇哀普四民嗚
呼哀哉穆穆天子昭嗣有融乃命三人禮憲是崇賜以
歸賻榮以贈終冠蓋南徂映族輝邦日薄南陸辰次天
漢龜筮協貞靈域載判嗣器既庇神道已羨縣象未登
明星有爛軒車微動執紼同贊未棄高廈黃廬是館寧
被昏昧荒此輝粲幽房長鍵脩夜靡旦翼翼輕蓋翩翩
丹旂龍章舒藻旟旒有輝轡輪轆結玄駟徘徊人誰弗
思靡思匪哀援扎心楚投翰餘悲嗚呼哀哉





所圖書



不 許 複 製

NOT TO BE REPRODUCED

東京大学東洋文化研究所